

3. Ut vero, quod res est, unico tantum & altero loco speciali declarem, en *fidem & fidelitatem* in illa sanioris doctrinae hypotyposi, ejus custodiam Paulus Timotheo commendat, *fidei* nomine exprefso & *fidelitatis* studio sub caritatis nomine commendato. Et quid ad Deum accedere est aliud, quam *fidei* quasi remis velisque ad eum contendere? Quid ἀληθινὴ καρδία, quæ ad istam *fidei* praxin requiritur, est, nisi animi Deo sincere dediti fidelitas? Hebr. X, 22. Utramque in integro contextu pluribus commendari, αὐτοψία ostendit.

#### PROPOSITIO DUODECIMA

De æquilibrio hoc, tanquam divino Christianæ religionis charactere.

*Æquilibrium fidei ac fidelitatis* exhibet characterem divinitatis, qua religio christiana coruscat, eam ratione theoriæ & praxeos, seu doctrinæ & vitæ, non parum commendans.

#### ILLUSTRATIO.

1. Hoc *fidei ac fidelitatis* temperamentum est Deo & homini convenientissimum. Etenim de Deo nobis insinuat ideam summi Entis, non minus justis & sanctis, quam benevolis & beneficiis. In quo quando homo collocat fidem cum reverentia ac sui consecratione ad ipsum directâ, sibi ipsi ita consulit, ut a Deo, quod